



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs CV. Confitemini Domino, & inuocate &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

PSALMVS CV.

Confitemini Domino, & inuocate &c.

Dulcisono cantu psallentes hoc agite, omni
 Ut populo fiat gloria nota Dei.
 Nomen ut illius digno afficiatur honore,
 Latentur, quibus est quærere cura Deum.
 Virtutem toto sic querite corde Iehoua,
 Eius vos faciem ut semper amare iuuet.
 Factorum illius ne vos obliuia tangant,
 Fœdera sancta eius vos meminisse iuuet.
 Vos decet hoc natos de semine mitis Abraha,
 Electos famulos, pignora chara, Iacob.
 Ipse Deus noster, Dominus fortissimus idem,
 Per terræ latas iudicat ipse plagas.
 Ipse memor pacti, promissi deniq; verbi,
 Quod statuit multis millibus, esse ratum.
 Cum Tharide erexit fœdus: iurauit Isaaco,
 Perpetuum id pactum, fœderis esse loco.
 Dicendo: Canaë tibi tradam hæc regna vetusta,
 Tota sit ut sortis terra futura tua.
 Cum pauci numero, nec adhuc bene viribus aucti,
 Atq; alienigenæ per loca vasta forent.

Muta

Mutatisq³ locis nunc hac nunc illa subirent
Hospitia, ad gentes progrediendo nouas.
Nec tamen interea fraus illis vlla noceret,
Propter eos reges argueretq³ Deus.
Descendo: nolite meos attingere Christos,
Ut tibi & studeat nemo nocere meis.
Dira fames terram cum grassatura per omnem
Esset, nec Cereris dona daturus ager.
Seruus in Ægyptum à Domino præmissus Joseph,
Perfidia fratrum venditus antè fuit.
Nili colæ insontem clauserunt carceris antro,
Detinere pedes ferrea vincla viri.
Donec in effectum diuina oracula venirent,
Esset ut in summo Regis honore Ioseph.
Tum Rex innocui dissolui vincula iussit,
Regnorum Reçtor libera colla dedit.
Esset ut Oeconomus regni regisq³ bonorum,
Ægypti ut populis mitia iura daret.
Ut Pharios proceres populum regere ipse doceret,
Atq³ senatores iustitiam colerent.
Post ea Niliacas genus Israël in oras
Venit, & exul in his hospes eratq³ Iacob.
Crescente interea hoc populo diuinitus aucto,

Aduena suspectus redditur hospitibus.
Quorum cor verti permisit Ioua malignum,
Ut premerent odiis hunc sine fine suis,
Imò ut auos nostros oneratos mole laborum
Paulatim cuperent perdere fraude noua.
Paulò mox Mosè sapientem misit, & illi
Adiungit comitem fratrem Aarona Deus.
A Domino hi electi fecerunt signa stupenda,
Viderat Ægyptus qualia nulla prius.
Iusserat Ægyptum, ut tenebris tegerent, Deo, om-
Hi parent Domino, resq; secuta fuit. (nem:
Niliac a tetro manarunt sanguine ripa,
Occidit pisces fluminis ille cruor.
Et ranis & erant bufonibus omnia plena,
Fœdauitq; eadem regia tecta lues.
Dixit, & insecti venit genus omne, venenis
Quod vastare suis germina leta solet.
Pro pluuia arentes consperxit grandine campos,
Agrorum fructus fulminis igne tulit.
Prostravit ficus, fregit cum ficibus uuas,
Pomiferum excisum est arboris omne genus.
Aduenere etiam bruchi, innumeraq; locusta,
Erugibus ac herbis triste nocensq; malum.

Denis

Deniq; primitias partus Deus abstulit omnis,
Dum primogenitum non superesse sinit.
At populum Ægypto eduxit latum incolumemq;
Portantemq; humeris aurea vasa, suum.
Huius in egressu gaudens fuit accola Nili,
Tantos intulerant facta stupenda metus.
Nube sua extensa Deus hic protexit euntes,
Quæ tenebras noctis dispulit igne suo.
Fecit, ut innumera hunc aleret populūq; coturnix,
Flumine & hoc posset turba leuare sitim.
Discidit & petras effusis largiter undis,
Arida deserti hinc flumina amœna rigant.
Ioua sui verbi memor, ut promisit Abraha,
Irrita non voluit reddere pacta sua.
Sed cum laticia gentem eduxitq; triumpho
Ipse suam, sic ut iubila ferret ei.
Post ea distribuit regiones sortibus aquis,
Noster ut hostilis iure maneret ager.
Cuncta tamen certa ratione ac lege peregit,
Ut colerent pacta & firma statuta Dei.

PSALMVS CVI.

Confitemini Domino, quoniam &c.

D d 2

Gratis